

Tractatvs De Censvris Romano Pontifici Reservatis

Ugolinus, Bartholomaeus

Venetij, 1609

Vers. Nec non illos, qui per se, vel alias de rebus statum christianæ
Reipubliæ concernentibus in christianorum pernicie[m], & damnum ipsos
Turcas, & christianæ religionis inimicos, nec non hæreticos ...

[urn:nbn:de:hbz:466:1-61365](#)

humane non sit, sat enim est ut
contra christianos haec fiant, atq.
sic respondit Nauar. eod. not. 10.
num. 45. versic. Vigesimoprimo
infertur. Multo magis ergo in pena
hanc incident, qui arcem iam fa-
ctam, tutram, speculam in unita,
non munitam ve ipsis tradunt, vel
alia in quamcumque fabricam li-
goceam, lapideam ve cuiuscumque
generis, quæ vel ad oppugnandos
christianos, vel ad tuendos hostes
a christianis apta sint, nam tunc,
modo id sciant, scire ve debeant,
in excommunicationem hanc in-
cident, ut sensit Nauar. in eo. not.
10. num. 43. versic. Decimo nono
intertur. Excipitur tamē, ubi quis
coactus illa tradidit, utpote quia
captus est, quamvis strenue illa
defendendo se gesserit. Qui itidē
tribuit iumenta, curru ad uehen-
da, quæ ad exercitum pertinent,
ut boues, mulos, asinos, & id ge-
neris, atque sic sensit Jacob. de
Graff. libr. 4. decit. cas. consc. in ex-
positione Bullæ Cœna Domini,
n. 87. hac poena obligabitur.

Quarto, ea quoque deferri ue-
tantur, quibus hostes prædicti
christianis magis terribiles fiunt,
esto ad bellum apta non sint. Nō
igitur plumæ, non galeri, milita-
resq. panni, ut hodie pelles ex cer-
uo deferri debent, ut sensit Naua.
in eod. not. 10. num. 44. versic.

Quinto nec pulueres ad bom-
bardas pertinentes, sclopetosue,
nec sulfur, nec nitrum, ex quibus
puluere prædicti fiunt, ob easdē

rationes, nam deferentes in exco-
municationem hanc incidunt, si
eius qui prædicta omnia ad id sciens
parat, uenitue iis, qui ad hostes
ea deferre uolunt, & sicut Princi-
pes, qui scientes de suis terris, atq.
locis, ac portibus ea exportari id
permittunt, nam per alios hi de-
ferre uidetur, quos & comprehen-
di supra diximus, atque sic sensit,
Nauar. eod. not. 8. num. 16. versic.
Quinto infertur. & num. 20. vers.
Septimo infertur.

Sexto qui pecuniam defert, qñ
quidem p ipsam prædicta omnia
facile parantur, ut ante diximus.

¶ At quid de iis, qui eunt ad ho-
stes, quo ipsis contra christianos
opem ferant, an in excommunica-
tionem hanc incident? plane in
excommunicationem hāc incide-
re hos censeo, nam, si prædicta de-
ferendo incidunt, quæ per se ope-
rari nequeunt, quanto magis ipsi
met se dedendo incident? Addo
hos pro certo hostibus fauere in
damnum christiane religionis, q
etiam in hoc capite excommunican-
tur, ut videbimus. Hæc igitur sunt
alia hū usmodi, quæ ad hostes
christiani nominis deferri prohi-
bentur, & sic absoluta est prima
pars huius Capitis, quæ tria cōple-
ctebatur, ut vidimus, iam alteram
aggrederiamur.

Vers. Nec non illos, qui per
se, vel alios de rebus sta-
tum christianæ Reipubli

ca



cæ concernentibus in christianorum perniciē, & damnum ipsos Turcas, & christianæ religionis inimicos, nec non hæreticos in damnum catholicæ religionis certiores faciunt.

S V M M A.

- 1 Nunciata christiani nominis hostibus quænam sint in perniciem christianorum.
- 2 Nunciata christiani nominis hostibus quænam sint in perniciem christianæ religionis.

Hic duo genera hominum excommunicantur. Primum eorum, qui certiores faciunt Turcas, & christianæ religionis inimicos de rebus statum Reipublicæ concernentibus christianorū perniciē, alterum eorum, qui de illis rebus certiores hæreticos faciunt in damnum catholicæ religionis, de quibus singulis agendum est. Verum, ut res dilucidior reddatur, præmittenda duo sunt. Primum quænam sint illa, quæ Turcis, & christianæ religionis inimicis nunciata in christianorum perniciem & damnū vertantur. Deinde quæ hereticis nunciata in damnū christianæ religionis sint. Postremo

quid juris, si de statu alicuius privati certiores siant.

Quoad primum igitur t̄ ea in christianorum perniciem, & damnum nunciata dicuntur Tempore pacis, quibus nunciatis ad occupanda loca christianorū, christianæ nolite ipsos oppugnandos, rebus, ve suis spoliandos, Turcæ, & alii christiani nominis hostes impelluntur, vt si quis eos certiores faciat, loca aliqua christianorū non bene munita esse, & facile occupari posse, si famem itidem alicubi vigere, quamobrem locus ille obſidione facilè capi possit, si consilium initum a christianis esse de recuperando aliquo loco ab ipsis hostibus occupato, si apparatus ad bellum fieri, & alia id geueris significet, quæ omnia, vt per se patet, in perniciem christianorum vertuntur. Belli vero tempore, si de cōſiliis Ducum exercitus quis eosdem certiores fecerit, videlicet tali die christianos eos aggredi velle, auxilia ad id temporis expectari, & per talem locum transitura, comeatus, pecuniam, armamque importari, in tali loco cuniculos fieri, factosve esse, item ad talem horā hostes aggredi nostros posse. Quæ omnia etiā in christianæ religionis perniciem redundare possunt: & ex his constat quo uis tempore prohibitum esse per hanc Bullam, ne huiusmodi hænuncientur hostibus.

2 Quoad alia vero, t̄ quæ in perniciem christianæ religionis rediuntur



dundare possunt, hæc videlicet sunt. Primo prædicta omnia, quādoquidem si christianorum res, & loca ab hereticis occupentur, ad eorum normam vivere christianos cogunt, & sic secundum suam hæresim, quod christianæ religioni detimento esse nemo ignorat. Deinde, si eorum Principes eligendus sit, & affuturi sint huic electioni, qui christianum principem nolunt, sed tamen id ignoratur, quia celant hoc, quo admittantur ad electionem, & de hoc suo animo hereticos certiores faciunt, nemo enim dubitat Principe heretico subiectorū animos quoad religionem facile labe factari, quandoquidem quales in Republica Principes sunt, tales solent esse reliqui ciues, testis est Anglia, quæ ob id a se christianam religionem propemodum exclusit. Hæc igitur & id generis sunt, quæ prædictis nunciari non debent, nam ex quo Bulla simpliciter loquitur, simpliciter intelligi debet. arg. l. de pretio. ff. de publi. in rem act.

Quoad tertium concludo non comprehendendi eos, qui de statu aliqui priuati certiores faciunt, esto in damnum eius id vertatur, nam Bulla loquitur, & punit nunciates de statu christianæ religionis, ergo alias secus, qui ergo nunciat mercatores diuites transire per aliqua loca, & capi posse, hæc pœnam euadit, secus autem si de statu unius regni, Provinciæ, cui

tatis, vel loci, modo ad perniciem christianorum hoc redunderet, atque sic dixit Iacob. de Graft. libro quarto decis. casc. conscienc. in expositione Bullæ Cœnæ Domini numero 91. & ut nos supra diximus. His sic præmissis, iam de primo dicto regulam primam ponamus.

S V M M A.

- 1 Nunciantes turcis, & christianæ religionis hostibus ea, quæ in perniciem christianæ Reipublicæ uertuntur, in excommunicationem incidunt, quæ regulari, quousque pateat, declaratur.
- 2 Nunciantes aliqua christiani nominis hostibus, quando in excommunicationem non incidunt.
- 3 Nunciantes aliquid in damnum catholicæ religionis in excommunicationem incidunt, quæ excommunicatio, quousque pateat, declaratur.

I.

S Perspectis ijs, quæ prohibent nunciari Turcis, & aliis christianæ religionis inimicis, iam qui in hoc offendentes, in pœnam excommunicationis incidunt; videamus † In excommunicationem hanc igitur incidit primo, qui de rebus statum Reipublicæ christianæ concernentibus in christianorum perniciem turcas, & christianæ religionis inimicos certiores faciunt, ut habetur in versic.

Quæ

Quæ excommunicatio declaratur, ut locum habeat primo, qui cunque sit, qui hæc nunciet. Vel igitur Princeps vir, publica persona, priuatave sit, clericus, vel laicus, vir, vel mulier, in excommunicationem hanc incidet, nam Bulla nō distinguit, ergo nec nos distinguere debemus. argumen. l. de pretio. ff. de publi. in rem a. si. Quare vel hereticus sit hac pœna obligabitur.

Secundo afficit excommunicatio hæc, quacunque ratione id faciat, & sic, vel per se, vel per alios, ut dicitur in hoc versicul. Item, vel per nunciū, vel per literas, nā & qui nuncium, litterasque mittit, per se loqui videtur, vt lensit Gloss. in Clement. fin. & ibi DD. de sentent. excommunic. & nos in Tractatu nostro de Censuris Tab. 2. capitu. 23. §. 1. Verum, quid si quis non hæc nunciet, id est neq; nūcium, neque litteras mittit, sed tamen cum iis personis loquatur, quas certum est hostibus ea nunciatores, an in excommunicationem & hic incidet id animaduentis? Planè sentio & hunc in excommunicationem incidere. arg. capitu. quantæ. de senten. excom. Præterea ex verisimili mente Romani Pontif. Postremo, quoniam saltem tanquam fautor pœna hac obligatur. Nuncius autem, qui mittitur vel christianus sit, vel nō christianus, nihil interest quo ad ipsam mittentem.

Tertio afficit excommunicatio

vbi cunque sit is, qui hæc nunciat, vel in terris christianorum, vel Turcarum, nam, ut dixi, Bulla hæc non distinguit. At quid, si quis ab hostibus captus tormentis, quaestitionibusque subiiciatur, quo secreta christianorum patefaciat, an huiusmodi vi, metuere patefaciens in excommunicationem hanc incidet? Videbatur dicendū hunc non incidere, quoniam Ecclesia non videtur cum tanto vitæ periculo excommunicatione obligare quem voluisse, nā nec christiani remiges, qui coacti in nauibus hostium contra christianos remigant, in excommunicationem incidunt, ut supra dixi. Contrariam sententiam tamen sequor, vt scilicet in excommunicationem hanc incidat, quoniam offendit Bullā, ut per se patet. Necobstant rationes prædictæ, quandoquidem remiges nulla ratione alia possunt se tueri, quam verè remigando, at hic potest multa fingere, quam obrem veritatem hostibus non aperiat, et si ad iusserandum eum impellant, liquido etiam iurabit se nihil scire, esto nihil ignoret, quandoquidem a non iudice, & non rite iusserandum defertur, vel igitur libertatem ei pollicearuntur, patefacere non debet. Excipio tamen, vbi pro certo hostes scirent consilia christianorū huc nosse, quamvis & hic fingere fortasse poterit.

Quarto excommunicatio hæc afficit quæcunque ex iam dictis nun-

nunciantur ob rationem iam supra redditam.

Quinto excommunicatio hæc afficit quoscunque christiani numero minis hostes certiores faciat, ut habetur in versicu. ibi, Turcas, & christianæ religionis inimicos.

Qui autem præter Turcas inimici huiusmodi sint, in prima parte huius Capitis declarauimus. Et hoc locū habet vel interris christianorum, vel in suis sint huiusmodi hostes. Item, vel pacificè cum christianis viuāt, tum quod fauor hic ad vniuersam christianam Rempublicā pertinet, & ob id renunciari ei non potest. argu. capitu. si diligenti. de for. compē. & ca. contingit interdum. de sen. excom.

Sexto excommunicatio hæc afficit, esto deinceps nihil damni sequatur, nam Bulla prohibet, ne quid nuncietur in damnum christianorum, id est quod possit esse ipsis damnum, esto igitur non sequatur, nihil interest, nam nuncians fecit, quantum in se fuit. Postremo Bulla nō requirit, ut damnum sequatur, sed vt damnum es se possit, ut dixi. Hos omnes ergo excommunicatio hæc afficit nunciantes: sed iam videamus, qui pēnam hanc euadant.

2. Primum igitur in excommunicationem hanc non incident, qui litteras, nunciosve miserunt, sed ad hostes, non peruererunt, vel quod interceptæ litteræ sunt vel amissæ, vel nuncii capti, interfec-

tique fuerunt, eoue ire noluerūt, nam esto hi peccauerint, tamen re uera hostibus predicta non nūciarunt, non enim, qui uult nunciare, idcirco nunciat, sicut nec, qui uult arborem ascēdere, ascēdit.

Secundo in excommunicationem non incident, qui probabili ter id ignorantēs ea nunciant, ut pote, si nuncius cum litteris mittatur ad Turcas, & ignoret nuncius, quid illis litteris comprehendatur, nam nuncius in excommunicationem nō incident, quamvis mittens nuncium pœnam hanc non euadat. Hoc autem contingere potest in iis locis, qui propè Turcas sunt, ubi pacificè inter se uiuunt. Item in famulis mercatorum, & nunciorum, qui apud Turcas sunt, & huiusmodi christianæ religionis hostes.

Tertio in excommunicationem hāc nō incident, qui ex legitima causa hæc faciunt, & non in damnum christiani nominis, sed alicuius Principis christiani tantum, ut exempli gratia Princeps christianus contra alium christianum Principem iuste bellum gerit, uel se gerere opinatur, & ad suum auxilium Turcas uocavit, quod aliquando fieri posse antea uidimus, si ergo Princeps hic de statu sui ad aduersarii certiores turcas faciat, esto christianus sit, in excommunicationem tamen non incident, quandoquidem non de rebus statu Reipublicæ christianæ uniuersitatis.

ſæ conceruentibus in christiano-
rum perniciem commurem nunciat,
quod requirere Bulla hic vi-
detur, sed illius principis tantum,
in quem bellum gerit, ex quo igi-
tur prohibitionis causa cessaſat, &
prohibitio cessaſare debet. argum.
cap. cum ceſſante. de appell. & le.
adigere. §. quamuis. ff. de iur. patr.
Multo minus in excommunicatio-
nem incident, qui in damnum tan-
tum priuatae personæ hæc nūcia-
ret.

Quarto in excommunicationē
non incident, qui ea nunciant,
quæ in christianæ religionis dam-
num non ſunt, exempli gratia Car-
dinalem talem Pontificem Maxi-
mum creatum eſſe, christianos
principes concordes inter ſe viue-
re, & id generis. Sicut nec etiam,
qui ut hostes decipient, per talem
locum, exempli gratia, christiano-
rum exercitum tranſire nunciant,
cum per alium iter faciat, vnde
hostes adortus facile illos profli-
gar, & ſic ſtratagemate vtuntur,
nam Bulla excommunicat eos,
qui nunciāt in damnum christia-
nae reipublicæ, ergo ſecus, ſi alias
nunciant, inclusio enim vnius alterius
exclusio eſt. arg.ca. nonne,
de præſu. & leg. cum prætor. ff. de
iud.

At quid de iis, qui nunciant
hostibus huiusmodi hæc, quæ ip-
ſimet hostes antea nouerint, an in
excommunicationem hanc incide-
re? Videbatur dicendum hos in
excommunicationem non incide-

re, quandoquidem certioratio il-
la, vt ita dicam, operari nihil vide-
tur. argumen. capitu. certus. de re-
gu. iur. lib. 6. & l. 1. in fine. ff. de con-
trahend. emp. Verum contraria
opinionem ſequor, vt in excom-
municationem hanc incident. Pri-
mo, quia verba Bullæ eis conue-
niunt, nunciant enim in damnum
christianæ reipublicæ, ergo & di-
ſpositio eis conuenire debet. argu.
l. 4. §. toties. ff. de damn. infec. Po-
ſtremo, quia per illos non ſtat,
quin obſint, eſto deinceps dam-
num non sequatur, quod ſat eſt,
ſatis enim habuit Bulla nunciati-
ea, quæ in perniciem christiano-
rum eſſe poſſunt. Quare eſto dam-
num non sequatur, nihil interelle
antea conclusimus. Nec obſtat ra-
tio contraria, nam reſpectu habi-
to ad eum, cui nunciatur, nihil in-
tereſt, ſecus autem ad nunciantē.
Addo & per nuncium huiusmodi
poſſe hostes tanquam magis cer-
tiores factos animos inducere ad
offendendum christianos, ſed de
regula priori hæc ſatis, aliam po-
namus.

In excommunicationem hanc
quoque incident, † qui de prædi-
cis in damnum catholicæ religio-
nis hæreticos certiores faciunt, ut
habetur in versic. proposito. Quæ
excommunicatio eisdem modis,
quibus ſuperior, amplificatur, &
coarctatur. Poſtremo locum ha-
bet, quicunque hæretici ſint, qui
certiores ſint, vel notorii, denun-
ciative ſint, vel non tales, nā Bulla
hic

hic non distinguit, ergo nec nos ob fauorem religionis argument. h. de pretio. ff. de publ. in rem aet. argument. leg. sunt personæ. ff. de religio. & sumpt. fun. sed iam ad postremam partem huius Capit. veniamus.

Vers. Illosque ad id auxilium consilium, vel fauorem quomodolibet praestant.

S. V. M. M. A.

- 1 Auxilium ferens hostibus christiani nominis in damnum christianorum in excommunicationem incidit, quæ excommunicatio quousque pateat, declaratur.
- 2 Consilium praestans hostibus christiani nominis in damnum christianæ religionis in excommunicationem incidit, quæ excommunicatio quousque pateat declaratur.
- 3 Fauorem praestans christiani nominis hostibus in perniciem christianæ religionis, vel christianorum in excommunicationem incidit.
- 4 Fauens christiani nominis hostibus contra aliquem Principem christianum, ne Princeps ille christianus maior fiat, an in excommunicationem incidat.

IN hac postrema parte huius capit. excommunicantur, qui in damnum christiani nominis, ac

religionis, & christianorum opererunt hostibus christiani nominis, aut auxilio, aut consilio, aut fauore quomodounque. Et quoniam dictum hoc tria complectitur, ob eam rem tres regulas ponamus.

In excommunicationem hanc igitur incidit primo, † qui auxiliū fert hostibus christiani nominis in damnum, ac perniciem christianorum, ut habetur in vers. proposito.

Quæ excommunicatio afficit auxilium ferentem. Vel per se auxilium ferat, vt pote pugnando pro ipsis hostibus contra christianos, fabricando ipsis arma, ferendo eis comeatum, & alia ad bellū necessaria contra christianos, itē remigando in eorum navibus contra Ecclesiam. At quid de ijs, qui coacti id faciunt, ut captiui, in excommunicationem hos non incidere censeo, nam & sic dixit Nau. in c. ita quorundam. not. 11. de iud. & Viui. in sua Syl. opin. 126. au. 13.

Item afficit, vel per alios auxilium ferat, vt pote subministrando ipsis milites, magistros naviū, remiges, bitumen, & alia ad naues fabricandas, necnon peritos in arte militari, & fabros ad turres edificandas. Atqui an christiani captiui in navibus ad remigandum vincti in excommunicationem incident remigando contra christianos metu mortis duci? Hos peccare mortife-

O re

